



**Imaqarniliaq
Ileqqusumik ataatsimiinneq 02/2019**

**Ataatsimiinneq Qaqortumi ingerlanneqarpoq
20. februar 2018, kl. 09:00**

OQALUUSERISASSANUT TAKUSSUTISSIAQ:

- Imm. 1. Oqaluuserisassat akuerineqarnerat
- Imm. 2. Borgmesterimit ilisimatitsissutit
- Imm. 3. Aningaasaqarnikkut killiffik
- Imm. 4. Kommunimut akiitsut killiffii
- Imm. 5 Kukkunersiuisut nalunaarutaat nr 29 aamma 30 kiisalu akissutissatut siunnersuut
- Imm. 6. Kulturimut, sunngiffimmut pinaversaartitsinermullu ataatsimiititaliap najugaqarfinni ataatsimiititalianut akissarsiaqartitsinissamik aalajangiisoqarnissaanik siunnersuutaa
- Imm. 7 AIS 2020-imut sanaartugassatut siunnersuutit
- Imm. 8 2017-imiit 2028-mut kommunimi pilersaarummut immikkut akuerisassaq
- Imm. 9 Sulisumut inissialiorneq
- Imm. 10 2019-imi kommunimi sulisut amerlassusiligaanerisa killiffiat
- Imm. 11. Qaqortumi kommunalbestyrelsip ataatsimiittarnissaanik kommunalbestyrelsimut ilaasortap borgmesterip Kiista P. Isaksenip siunnersuutaa.
- Imm. 12 Narsarsuarmi mittarfissuup annaannginnissaa siunertaralugu suliniuteqartoqarnissaanik kommunalbestyrelsimut ilaasortap Naja Lundip oqaluuserisassatut siunnersuutaa
- Imm. 13 Narsarsuarmi innuttaasut ukiumoortumik aningaasanik tigoraaanagaanagassanik illuartsivigineqarnissaanik kommunalbestyrelsimut ilaasortap Naja Lundip oqaluuserisassatut siunnersuutaa
- IMM. 14. Inuusuttut Siunnersuisoqatigiivinit inassuteqaatit
- Imm. 15. Plastikkit atugaanerisa killilersimaarneqarnissaannik kommunalbestyrelsimut ilaasortap Benjamin Kielsenip siunnersuutaa
- Nutaaq Imm. 16. Inuussutissarsiutinik ineriartortitsivimmik pilersitsineq
- Imm. nutaaq 17. Taaneqarsinnaasut allat

PEQATAASUT:

Atassut: Gerhardt Petersen (kl. 10:00 - 10.38 peqataanngilaq pisa-saqarnini pillugu)

Inuit Ataqtigiit: Asmus Hansen, Henrik Brummerstedt, Mouritz Karlsen, Naja Lund, Didda Isaksen (Stine Egedemut sinniisoq)

Siumut: Kiista P. Isaksen, Manasse Semsen, Mari S. Abelsen, Karla Egede Bisgaard, Monica Dorph, Benjamin Kielsen, Anders Olsen, Josef Petersen, Simon Simonsen

Peqataasinnaanngitsoq: Stine Egede

Atorfilittat: Pisortaaneq Kim Dahl, pisortaanerup tullia Carsten F. Hansen, aningaasaqarnermut pisortaq Kim Rosendahl

Immikkut peqataatitat:

Oqalutsi: Kelly Berthelsen

IMM. 1. OQALUSERISASSAT AKUERINEQARNERAT

Stine Egede peqataasinnaanani nalunaaruteqarpoq, taamaammatt sinniisussaa Didda Isaksen aggersarneqarpoq.

Aalajangerneq: Akuersissutigineqarpoq.

IMM. 2 BORGMESTERIMIT ILISIMATITSISSUTIT

- Ippassaammagu Campus Kujallermi innuttaasunut paasissutissiineq; aqqissuussineq ornigarneqarluarpoq aqqissuussinermullu ikiuuttut qutsavigineqarput. Aqqissuussinerit assingusut Nanortalimi Narsamilu kiisalu kingusinnerusukkut annikinnerusunut nunaqarfinni ingerlanneqassapput.
- Borgmesterip decemberip qaammatani illoqarfinni pingasuni juullerpalaartitsinernut peqataavoq.
- 14. December 2018-mi inuussutissarsiornermut siunnersuisoqatigiit pilersinneqarput, kingornalu 13. januar 2019 siullermeerlutik ataatsimiillutik. Illoqarfinnit tamanit kiisalu Narsarsuarmit peqataaffigineqarput.

- 27. Qaqortumi najukkami siunnersuisoqatigiit januarimi pilersinneqarput. Qinersineq peqataaffigineqarluarpoq najukkamilu siunnersuisoqatigiit sulillutik aallartereerlutik.
- Januaarip naanerani Naalakkersuisut Politikikkut ataqatigiissaarisooqatigiit ataatsimiinnerannut peqataapput, periarfissarlu atorlugu Naalakkersuisut ataatsimeeqatigineqartarput ataatsimiititaliat siulittaasuisa peqataaffigisaannik. Oqaluuserisassat qassit kommunimiit oqaluuserisassannortinneqarput. Ilinniartitaaneq immikkut sammisaqarnermi qulequtari-neqarpoq.
- 30. januar Hans Hedtoftip umiarnera eqqaaniarlugu naalagiaqatigiittoqarpoq, aaqqissuussi-nermullu ikiuuttut qutsavigineqarput.
- Inuussutissarsiutinik ineriartortitseqatigiiffik oqaluuserisassannortinneqarpoq.
- Narsarsuaq pillugu suleqatigiissitaq sulilerpoq; maannamut ataatsimiinnerit marluk inger-lanneqarput, aqutsisoqatigiillu februarimi ataatsimiinnissaat pilersaarutaagalarpoq. Naalak-kersuisulli angalasussaanini pissutigalugu ataatsimiinnissaq martsimut kinguartippaa.
- Tanbreezimut paaseqatigiinnissamik isumaqatigiissut Inuussutissarsiornermut Siun-nersuisoqatigiit peqatigalugit atsiorneqarpoq.
- Ualeru borgmesteri sulinerminut atatillugu angalassalluni aallassaq, ataatsimiinnerlu naam-massisimangippat kommunalbestyrelsip ataatsimiinnerani borgmesterip tullianit siullermit nanginneqassalluni. Angalanermi pisussanut ilaapput
 - suliniutit assigiinngitsut oqaloqatigiissutiginiarlugit Danmarkimi aningaasaateqarfinnik 8-9-inik ataatsimeeqateqarnerit
 - kommunit sillimasiiarfittaavanik If-imik ataatsimeeqateqarneq, kingornalu
 - PDAC-imut peqataaneq Toronto, Canada, tassani peqataassaaq kommunip aats-itassarsiornermut siunnersortaa kiisalu aatsitassarsiornermut attuumassutilit allat
- Ataatsimiititaliat siulittaasui ataatsimiikkaangata tassani soqutiginaatillit borgmesterip al-laffianut nassiuttaqquneqarput innuttaasut paasissutissinneqartarniassammata.

Aalajangerneq: Oqaaseqatigineqartut ilanngullugit akuersissutigineqarpoq.

IMM. 3. ANINGAASAQARNIKKUT KILLIFFIK

2018-imi decembari ilanngullugu naatsorsuutit killiffii.

Ulloq 06.02.2019 aallaavigalugu Kommune Kujallip naatsorsuutaasa inernerat (2018-ip naalerner-ani).

Inatsisitigut tunngavii: Missingersuutininut Naatsorsuutinullu inatsimmi § 41 naapertorlugu

Aningaasartai: Ilanngussami nassuiarneqartutut ipput.

Pisortaanerit inassuteqaataat: Aningaasaqarneq pillugu saqqummiussaq tusaatissatut tiguneqassa-soq.

APA-p aalajangiinera 02-2019: Akuerineqarnissaa innersuussutigalugu kommunalbestyrelsimut ingerlateqqinneqassasoq, iluatsillugulu inassutigineqarpoq ukiumi naatsorsuusiorfiusumi 2018-imi tamatumunnga periarfissaqarnera atorlugu nalikilliligassat pisoqqat 5,4 mio. koruuniusut nalikilli-lerneqassasut.

Aalajangerneq: Akuerineqarpoq, aamma aningaasat tassani kr. 5,4 mio.-inik amerlassusillit nalikillilerneqarnissaat akuerineqarpoq.

IMM. 4 KOMMUNIMUT AKIITSUT KILLIFFII

06.02.2019-imi kommunip pisassai tamarmiusut ilisimatitsissutigineqarnerat, kiisalu

- pisortat suliffeqarfiutaanni akiitsoqarnerpaat qulit
- qaammammusialinnit akunnermusialinnillu pisassat
- qinikkanit aningaasat pisassat (akiitsoqartoqanngilaq)

2016-imiit 2018-imut aningaasat pissarsiarineqarsinnaanngitsut nalikillilerneqarnissaat pillugu al-lakkiaq (aalajangiiffigisassaq).

Inatsisitigut tunngavii: Missingersuutinut Naatsorsuutinullu inatsimmi § 41 naapertorlugu

Aningaasarnikkut kingunerisassai: nalikilliliineq pillugu aalajangiineq Kommune Kujalliup ukiu-mut inerniliinerata aalajangiiffigineqarneranut kinguneqarsinnaavoq.

Pisortaanerit inassuteqaataat: Tusaatissatut tiguneqassasoq.

Aningaasaqarnermut Pilersaarusiortarnermullu ataatsimiititaliap aalajangernera 2/2019: akuerineqarnissaanik kaammattuutitalerlugu kommunalbestyrelsimut ingerlateqqinneqassasoq. Akiligassanut kinguartoorutit Namminersorlutik Oqartussanut tunngassuteqarmata Politikikkut Aqutsisoqatigiit Qaqortumi ataatsimiinneranni naalakkersuisoqarfiit pisortaannut aningaasanut atukkanut takussutissat tunniunneqarput. Ullumimut Namminersorlutik Oqartussanit pisassat 9 mio. koruuniupput.

Aalajangerneq: Akuersissutigineqarpoq.

IMM. 5 KUKKUNERSIUISUT NALUNAARUSIAAT NR. 29 & 30 AKISSUTISSATULLU SIUNNERSUUTIT

* **Nalunaarut nr. 29** kiisalu nalunaarummut akissutissatut siunnersuut.

2017-imut kommunit naatsorsuutaanni Namminersorlutik Oqartussani suliaqarfinnik Kukkun-ersiuineq pillugu nalunaarut nr. 25 - Ukiumut naatsorsuuseriffiusumut 2017-imut nalunaarut ilaan-nakortoq

Kommune Kujalleq pillugu nalunaarut nr. 29 2018-imi septembarip naanerani tiguneqarpoq.

* **Nalunaarut nr. 30** kiisalu nalunaarummut akissutissatut siunnersuut.

Ukiumut naatsorsuuseriffiusumut 2017-imut inaarutaasumik nalunaarusiaq

Kommune Kujalleq pillugu nalunaarut nr. 30 2015-imi septembarip naanerani tiguneqarpoq.

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 43

Aningaasatigut kingunissai: Soqanngilaq.

Pisortaanerit inassuteqaataat: kommunalbestyrelsimut innersuussutitalerlugu ingerlateqqinneqassasoq.

Aningaasaqarnermut Pilersaarusiortarnermullu ataatsimiititaliap aalajangenera 2/2019: akuerineqarnissaanik kaammattuutitalerlugu kommunalbestyrelsimut ingerlateqqinneqassasoq. Kukkunersiuisut nalunaarutaanni oqaaseqaatit ikilisarnissaat nangittumik ilungersuutigineqassaaq, ingerlatsiviillu piffissamik isumaqatigiissut najoqqutaralugu akissutinik tunniussinngitsut uparuarneqassapput.

Aalajangerneq: Aningaasaqarnermut Ataatsimiititaliap inassuteqaataa akuerineqarpoq.

IMM. 6 KULTURIMUT, SUNNGIFFIMMUT PINAVEERSAARTITSINERMULLU ATAATSIMIITITALIAP NAJUKKAMI ATAATSIMIITITALIAT ANINGAASARSASSAASA AALAJANGIIVIGINISSAAT KISSAATIGAA.

Januaarip 24-anni 2019-imi Kulturimut, Sunngiffimmut Pinaveersaartitsinermullu Ataatsimiititaliap ataatsimiinnermini imm. 6 "Kommunalberstyrelsip najukkami ataatsimiititaliat akissarsiasaasa aalajangiiviginissaat" oqaluuseraat.

Paasinarsivoq najukkami ataatsimiititalianut ilaasortat kommunalbestyrelsimiit akissarsiasaat Kommune Kujallermi najukkami ataatsimiititalianut tamanut atuuttussat suli amerlassusissaat aalajangersarneqarsimannngitsut, tamanna pillugu Kulturimut, Sunngiffimmut Pinaveersaartitsinermullu ataatsimiititaliamit kissaatigineqarpoq tamanna kommunalbestyrelsimiit oqaluuserineqassasoq.

Ingerlatsiviup pisortaata inassuteqaataa:

Najukkami ataatsimiititaliami ilaasortatutut suliaqarnermi aningaasarsiasat kommunalbestyrelsimiit aalajangiiffigineqartussat aalajangiiffigisassanngorlugit kommunalbestyrelsimut ingerlateqqinneqassapput, una najoqqutaralugu: Kommune Kujallermi najukkami ataatsimiititaliat pillugit ileqqoreqqusaq, § 12 "Najukkami ataatsimiititaliami ilaasortatut suliaqarnermi aningaasarsiat Kommunalbestyrelsimiit aalangiiffigineqassapput".

Ataatsimiititaliap aalajangenera:

Henrik Brummerstedtimit siunnersuut:

Najukkami ataatsimiititaliami siulittaasup akissarsiasai ukiumut 12.000 koruuniunissaat alajangiunneqassasoq, ilaasortaasullu sinneri sisamat tamarmik immikkut 10.000 koruunisissasat. Taamaalillutik najukkani ataatsimiititalianut akissarsiasat katillugit ukiumut 52.000 koruuniussapput, ataatsimiititaliallu Nanortalimmeersuupput, Qaqortumeersuullutik Narsameersuullutillu. Akissarsiasat qaammatikkoortumik tunniunneqartassapput.

Henrik Brummerstedtimit siunnersuut akuerineqarpoq. Inaarutaasumik akuersissut kommunalbestyrelsimut ingerlateqqinneqassaaq.

Tamatuma saniatigut Qaqortumi najukkami ataatsimiititaliap pilersinneqartoq paasissutissiissutigineqassaaq.

Inatsisitigut tunngaviit: Aqutsinermut inatsimmi § 32 imm. 7

Aningaasartai: Missingersuutineereerput.

Pisortaanerit inassuteqaataat: Akuerineqassasoq inassutigineqarpoq.

APA-p aalajangiinera 02/2019: Akuerineqarnissaa innersuussutigalugu kommunalbestyrelsimut ingerlateqqinneqassaaq, taamaalinikkut najukkani ataatsimiititalianut akissarsiassat assigiimmik aalajangiiffigineqassammata, siulittaasunut 12 t. koruunit, taavalu ilaasortat sinnerinut 10 t. koruunit.

Aalajangerneq: Akuersissutigineqarpoq.

IMM. 7 AIS 2018-IMUT SANAARTUGASSATUT SIUNNERSUUTIT

2019-imi marsip ulluisa aallaqqaataat sioqqullugu 2020-mi Aningaasanut Inatsimmut kommunit kissaatititik nassiutissavaat (AIS 2020).

Teknikkimut Avatangiisinullu Ingerlatsivik siusinnerusuklut ingerlatsivinnut tamanut paasissutis-sanik nassiussaqqarpoq kiisalu 2020-mut Anningaasanut Inatsisissatut siunnersuummut qinnuteqaat-tissat pillugit inaarutaaasumik siunnersuummik suliaqarluni. Taanna aammattaaq piaarnerpaamik ataatsimiititaliamut nassiuqqarumaarpoq.

Ingerlatsivinnit allanit sanaartugassatut kissaatitigut tigusaqartoqanngilaq.

Eqqaamaqquneqassaaq sanaartugassatut kissaatit ilarpaaluisa kommunimit aningaasaleeqataaffigineqarnissat pisariaqassammat, taakkulu 2020-mut kommunip missingersuusiornerani isiginiartari-aqassallutik.

Inassuteqaat

Teknikkimut Avatangiisinullu Ataatsimiititaliamut inassutigineqarpoq:

- AIS2020-mut sanaartugassatut kissaatit saqqummiunneqartut misissuataarneqassasut, pingaarnersiorneqassasut akuerineqassasullu
- sanaartugassatut kissaatit suliaqqitassanngorlugit Aningaasaqarnermut Ataatsimiititaliamut kommunalbestyrelsimullu ingerlatinneqassasut.

Inatsisitigut tunngavigisat allagaatillu tunngaviliiviusut

Aqutsinermut ileqqoreqqusaq, Missingersuutinut Naatsorsuutinullu maleruaqqusaq kommuninullu pisinnaatitsissut

Aaqqiissutissatut siunnersuut – suliatigut naliliineq

Suliamut nassuiaammisut

Aningaasaqarnikkut sulisoqarnikkullu naliliinerit

Isummerfissiami ilanngussanilu nassuarneqartut. Sanaartugassatut qinnuteqaatit ilaat kommunimit aningaasaleeqataaffigineqartariaqassapput Namminersorlutillu Oqartussat missingersuutitigut aalajangiinerat kommunip aningaasaqarneranut sunniuteqassalluni, tamannalu missingersuusiasamat ukiunullu missingersuusiorallarfinnut ilanngunneqassaaq.

Ingerlariaqqinnissaq

Piffissap killigitap qaangiutinnginnerani sanaartugassatut kissaatit Namminersorlutik Oqartussanut nassiuqqarummut. Tamatuma kingorna Namminersorlutik Oqartussat aalajangiinerat Kommune Kujalliup utaqqimaassavaa.

Pisortaanerit inassuteqaataat: Akuerineqassasoq inassutigineqarpoq.

APA-p aalajangiinera 02/2019: Akuerineqarnissaanik innersuussutitalerlugu kommunalbestyrelsimut ingerlateqqinneqarnissaa amerlanerussuteqartut aalajangerpaat. Naja Lundip IA allatut pingaarnersiuisoqassaq kissaatigaa, taamaammallu kissaatigalugu pingaarnersiuiineq allanngortillugu ima imaqarniliamut allanneqassasoq:

- 1) Utoqqaat inissiaat
- 2) Anaanaasup/meeqqap angerlasimaffianik sanaartorneq
- 3) Inissianik tamanut iluaqutaasussanik sanaartorneq
- 4) Mittarfiup tungaanut aqqusernup naammasineqarnissaa
- 5) Ikaartaatip tulattarfissaanut aqqusinniineq
- 6) Qaavani aqqusineq avaqqutsisoq
- 7) Nunaminertap A-5-ip sanaartorfigissarneqarnissaa

Aalajangerneq: Amerlanerussutillit 10-iusut (S + A) inassuteqaat akueraat, taavalu 5-it (IA) tullerriaarnermut allamut akuersillutik taasillutik.

IMM. 8. 2017-IMIIT 2028-IMUT KOMMUNIMI PILERSAARUMMUT IMMIKKUT AKUERISASSAQ

Kamikoorfiik, B-793 B-754-ip toqqavigisimasaani ilinniartut inaannik sanaartornissaq pillugu siunnersuummik kommune tigusaqarpoq. Nunaminertaq tamanna kommunimut pilersaarummi sanaartorfissatut immikkortitaavoq, illoqarfiullu ilaa tamanna 200-A-3 angerlarsimaffinnik sanaartorfissagaami ilinniartut inaannittaaq sanaartorfiusinnaassaaq.

Illut portussusissaannik kommunimut pilersaarummi aalajangersakkanut illu naapertuutinnigilaq illut annerpaamik 10,5 meterinikk portussuseqartussaammata. Sanaartornermut siunnersuutini takuneqarsinnaapput illut sisamat pingasunik quleriillit, tassa inissiat tamaanisimagaluartut assigalugit. Inissiat 1 aamma 2 portunerpaaffissaat annerpaamik 42-uvoq. Inissiat 3 aamma 40-t qaffasinne-runngitsumik portunerpaaffeqarput. Illut 13 meterinik portussuseqarput toqqaviata qaaniit portunerpaaffianut uuttukkamik.

Inissiat titartarneqarnerat atorneqarnissaallu pissutigalugu portusuujunissaat pisariaqarpoq, aammalu ingerlatsivik aaqqiissuteqarnissamut ammavoq, kiisalu naliliivoq kommunimut pilersaarutikkut piumasaqaatit annikitsuinnarmik sanioqqunneqartussaassasut, aammalu piumasaqaatit sanioqqunneqarnissaannik immikkut akuersissuteqartoqarsinnaassasoq. Sanaartugassamut pilersaarutaagal-lartoq ilanngunneqarpoq.

Tamatuma saniatigut massakkut / siunnerusukkut pissutsit qanoq issusii, sanaartugassallu nutaat takussutissiorneqarput.

Ingerlatsiviup inassuteqaataa:

- Teknikkimut Avatangiisinullu ataatsimiititaliap illup portussusissaanik piumasaqaatip sanioqqunneqarnissaa akuersissutigissagaa taamalu illut 13 meterinik portussusilerlugit sanaeqarsinnaanngorlugit.
- Sanaartorniakkat eqqaamiuusunut tusarniaassutigineqassasut, tamatumalu kingorna immikkut akuersissuteqarnissaq inaarutaasumik isummerfigineqassasoq.
- Suliaq Aningaasaqarnermut Ataatsimiititamut kommunalbestyrelsimullu aalajangiiffigissasatut ingerlateqqinneqassasoq

Inatsisitigut tunngavik: Nunaminertat atornerqarneri pilersaarusiortifigineqarnerilu pillugit Inatsisartut inatsisaat § 50.

Aningaasartai: soqanngilaq.

Pisortaanerit inassuteqaataat: Ataatsimiititaliap innersuussutaa tunngavigalugu akuerineqassasoq.

Aningaasaqarnermut Pilersaarusiortarnermullu ataatsimiititaliap aalajangernera 2/2019: akuerineqarissanik kaammattuutitalerlugu kommunalbestyrelsimut ingerlateqqinneqassasoq.

Aalajangerneq: Akuersissutigineqarpoq. Kommunimut pilersaarummi qalipaait allallu pillugit piumasaqaateqartoqarsinnaanera piareersimaffigineqassaaq illuliat tamaani illulianut allanut tulluartaunissaat siunertaralugu.

IMM. 9 SULISUNUT INISSIALIORNEQ

Suliap saqqummiunneqarnera: Oktobarip aappaanni 2018-imi Narsami missingersuutit pillugit isumasioqatigiinnermi aalajangerneqarpoq piarnerpaamik inissialiortiternissaq pillugu isummernisamat tunngavissiamik allaffeqarfik saqqummiussaqaassasoq 2019-imi sanaartorneq aallartittusanngorlugu.

Ataatsimiititaliani attuumassuteqartuni kommunalbestyrelsimilu makku aalajangiunneqarsimapput.

1. kommune 41.657 mio. koruuninik inissialiortiternernut aningaasaliissasoq ima agguarsimasunik:
 - a) ataatsimoortumik tapiissutit aqqutigalugit namminersorlutik oqartussat aningaasaliissutaat 4.157 mio. koruunit 2019-imi inissialiortiternermut ukiumullu missingersuusiortifiusunut aningaasanut agguagassanut immikkoortinneqassasut.
 - b) Kommunimi sanaartorneq missingersuutiniit 5. mio. koruuninik aningaasanut inissialiortiternermut agguagassanut immikkoortitsisoqassasoq.
 - c) Kommunip inissiatileqatigiiffiat 30 mio. koruuninik taarsigassarsissasoq.
 - d) "Attartortumiit piginnittuunermut" aqqiussineq atorlugu nioqqutigineqartut inissialiortiternermut atornerqartassasut. 2018-imi isertitarineqartut 2,5 mio. koruuniupput.
2. Kommunip inissiatileqatigiiffia Kujallermi Illuutit:
 - a) sulisunut inissialiortiternermut sanaartortitsuussasoq
 - b) inissialiassat pigissagai
 - c) inissialiassat ingerlatsisuuffigissagai
3. Teknikkeqarnermut Avatangiisinullu ingerlatsivik inissianik ima ittunik suliaqaqqissasoq:
 - a) Ilaqutariit illui ataasiakkaat attarmoortut
 - b) Uiguleriiaat
 - c) Inissiat
4. Teknikkimut Avatangiisinullu Ingerlatsivik 2019-mi kvartalit aappaat nallertinnagu Qaqortumi sulisunut inissianik 20-inik 2019-2021-mi sananissamat pilersaarummik saqqummiussaqaassasoq, tamatumalu kingorna Narsami Nanortalimmilu.

5. Teknikkimut Avatangiisinullu Ingerlatsivik 2019-mi kvartalit aappaat nallertinnagu Kommunimi sulisunut inissialiortiterneq pillugu suliariumannittussarsiorlunilu suliasat qanoq agguataarsimanissaanik saqqummiussaqaasooq.
6. Immikkoortut siulianiittut akuerineqarnissaannik kaammattuuteqarluni aningaasaqarnermut ataatsimiititaliamut kiisalu kommunalbestyrelsimut akuerisassanngorlugit ingerlatinneqassasut.

Teknikkimut Ataatsimiititaliap aalajangernera: Ingerlatsiviup inassuteqaataa akuerineqarpoq ingerlatsivillu 2019-imi kvartalit aappaat nallertinnagu 2019-2021-mi Kommune Kujallermi sulisunut inissianik 20-nik sanaartornissamut pilersaarummik saqqummiussaqaasooq.

Pisortaanerit inassuteqaataat: Akuerineqassasooq inassutigineqarpoq.

Aningaasaqarnermut Pilersaarusiortarnermullu ataatsimiititaliap aalajangernera 11/2018: akuerineqarnissaanik kaammattuutitalerlugu kommunalbestyrelsimut ingerlateqqinneqassasooq.

Kommunalbestyrelse ulloq 28. nov. 2018 akuersissuteqarpoq Teknikkimut Avatangiisinullu Ingerlatsiviup 2019-imi kvartalit aappaat nallertinnagu 2019-2021-mi Kommune Kujallermi sulisunut inissianik 20-nik sanaartornissamut pilersaarummik saqqummiussaqaarnissaa kommunalbestyrelsimut akuerineqarpoq.

Tamanna tunngavigalugu Teknikkimut Avatangiisinullu Ingerlatsiviup uku Teknikkimut Avatangiisinullu Ataatsimiititaliamut inassutigai:

- Sulisunut inissialiorneq ima pissasooq:
 - sanaartornermut pilersaarut tunngavigalugu sulianut pingaarnernut immikkoortiterlugu suliariumannittussarsiorneqassasooq kiisalu siunnersuutaagallartoq annertusisaaq atorlugu suliaq tamakkerlugu suliariumannittussarsiorneqassasooq, imaluunniit
 - siunnersuutaagallartoq annertusisaaq atorlugu suliaq tamakkerlugu suliariumannittussarsiorneqassasooq
- Aningasartuutit appasitsikkumallugit illoqarfinni tamani sanaartornerit angisuumik "at-tarmoortunngorlugit" ingerlanneqassasut. Tassa siullermik Qaqortumi tullianillu Narsami Nanortalimmiluunniit.
- Ukioq manna nunagissaanerit angumerisinnaajumallugit 2019-imilu ukiakkut toqqaviliorneerit aallartissinnaajumallugit sanaartornermut pilersaarut aammalu pilersaarusiaagallartut annertusisat atorlugit suliasaaq suliariumannittussarsiorneqassasooq neqeroortussat neqeroorsinnaanngorlugit.
- Sanaartortoq ajugaasooq aamma illoqarfinni allani inissialiornernik neqerooruteqassasooq aammalu sanaartornermut piffissaliussaasooq malissagaa.
- Ataatsimiititaliap aalajangernera akuereqqullugu kaammattuutigalugu aningaasaqarnermut ataatsimiititaliamut kommunalbestyrelsimullu akuerisassanngorlugit ingerlateqqinneqassasooq.

Inatsisitigut tunngavik: Kommunimut piginnaatitsissut.

Ingerlatsiviup naliliinera naapertorlugu aningaasat pigineqartut atorlugit inissiat amerlanerpaat pissarsiariumallugit illoqarfinni tamani ataasiakkaani sanaartornerit ataatsimut aningaasaliiffigineqarnissaat sanaartorfigineqarnissaallu aningaasatigut pitsaanerpaajussaaq. Qaqortumi inissaaleqineq

annertunerummat katillugit 41.657 mio. koruunit atorlugit inissianik sanaartornissaq innersuutigineqarpoq. (Tulliullugu Narsaq sanaartorfigissallugu pitsaanerussaaq tassami utoqqaat illuat naam-massereersimassamat taamalu betonilerisut, sanasut allallu ingerlareersut illoqarfimmeeriissam-mata. Misissuinissarli pisariaqassaaq.)

Teknikkimut Ataatsimiititaliap aalajangernera:

- Sulisunut inissianik sanaartornissaq imatut ingerlanneqassasoq: Annertusisamik pilersaarutaagal-lartooq tunngavigalugu tamakkiisumik suliakkiinermi neqeroorteqartitsineq.
- Aningasartuutit appasitsikkumallugit illoqarfinni tamani sanaartornerit angisuumik "attarmoor-tunngorlugit" ingerlanneqassasut. Tassa siullermik Qaqortumi tullianillu Narsami Nanortalim-miluunniit.
- Ukioq manna nunagissaanerit angumerisinnaajumallugit 2019-imilu ukiakkut toqqaviliornerit aal-lartissinnaajumallugit sanaartornermut pilersaarut aammalu pilersaarusiaagallartut annertusisat ator-lugit suliassaq sulariumannittussarsiorneqassasoq neqeroortussat neqeroorsinnaangorlugit.
- Narsami Nanortalimmilu inissialiassanut nutaanik pilersaarusiortoqassasoq neqeroortitsisoqar-lunilu.
- Ataatsimiititaliap aalajangernera akuereqqullugu kaammattuutigalugu aningaasaqarnermut ata-atsimiititaliamut kommunalbestyrelsimullu akuerisassangorlugu ingerlateqqinneqassasoq.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersaarusiortarnermullu ataatsimiititaliap aalajangernera 2/2019: akueri-neqarnissaanik kaammattuutitalerlugu kommunalbestyrelsimut ingerlateqqinneqassasoq.

Aalajangerneq: Akuersissutigineqarpoq.

IMM. 10 2019-IMI KOMMUNIMI SULISUT AMERLASSUSILIGAANERISA KILLIFFIAT

2019-imut sulisut iluarsisamik amerlassusiligaanerata saqqummiunneqarnera. Tamatuma saniatigut atuarfeqarnermut siunnersortitut atorfiup allanngortillugu suliame pisortatut atorfinngortinneqarnis-saanut qinnuteqaat, kiisalu teknikkeqarfimmi illoqarfimmi pilersaarusiortussamik allamik atorfinitsisisoqarnissaanik qinnuteqaat.

Inatsitigut tunngavik: Inatsitigut tunngavik: Kommunip piginnaatitsinera aammalu avatangiisinut inatsimmi § 2

Aningaasartai: 2019-imut missingersuutit.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersaarusiortarnermullu ataatsimiititaliap aalajangernera 2/2019: akuerineqarnissaanik kaammattuutitalerlugu kommunalbestyrelsimut ingerlateqqinneqassasoq.

Aalajangerneq: Akuersissutigineqarpoq.

IMM. 11. QAQORTUMI KOMMUNALBESTYRELSIP ATAATSIMIITTARNISSAANUT KOMMUNALBESTYRELSIMI ILAASORTAP BORGMESTERIP KIISTA P. ISAKSENIP SIUNNERSUUTAA.

Kommunalbestyrelsimi illasortap, borgmesterip Kiista P. Isaksenip siunnersuutigaa siunissami kommunalbestyrelsip ataatsimiinnissai Qaqortumi ingerlanneqartassasut, peqqutigalugu atortoris-saarutit, atorfilittat, nutserisut, radiukkut toqqaannartumik allakaatitsinermi teknikerit allallu Qaqortumeereermata, taamannalu tunngavigalugu kommunip angalanermut akunnittarnermullu aningaasartuutai annikillisinneqarsinnaassammata.

Taarsiullugu ukiumut marloriarluni illoqarfinnut nunaqarfinnullu tamanut angalasoqartarnissaa aaqqissorneqarsinnaavoq, piffissaqarluarlunilu innuttaasunik ataatsimiisitsinerit, oqaloqatiginnilluni ataatsimiinnerit, suliffeqarfinnut pulaarnerit allallu ingerlanneqarsinnaallutik, taakkununggalu tunngatillugu ataatsimiititaliani siulittaasut tamarmik partiillu sinniisaat peqataasinnassallutik.

Inatsisit tunngavigisat: Aqutsinermit inatsimmi § 8.

Aningaasartai: Missingersuutineereerput.

Pisortaanerit inassuteqaataat: Akuerineqassasq inassutigineqarpoq.

Aningaasaqarnermut Pilersaarusiortarnermullu ataatsimiititaliap aalajangerera 2/2019: akuerineqarnissaanik kaammattuutitalerlugu kommunalbestyrelsimut ingerlateqqinneqassasq.

Aalajangerneq: Amerlanerussutilinnit S aamma A-mit (10) akuerineqarpoq, taamalu 2019-imi aaqqissuussineq misiligutitut ingerlanneqassaaq, ukiorlu naappat naliliivigineqassalluni. Ikinnerussuteqartut IA (5) akerliullutik taasipput.

IMM. 12 NARSARSUARMI MITTARFISSUUP ANNAANNGINNISSAA SIUNERTARALUGU SULINIUEQARTOQARNISSAANIK KOMMUNALBESTYRELSIMI ILAASORTAP NAJA LUNDIP OQALUUSERISASSATUT SIUNNERSUUTAA

Kommunalbestyrelsimi ilaasortaq Naja Lund Narsarsuup mittarfiata attatiinnarnissaa siunertaralugu suliniuteqartoqartariaqarneranik siunnersuummik nassiussaqarpoq. Ima siunnersuusiorpoq:

”Kommunetsinni mittarfissuup annaanginnissaa siunertaralugu sulinissaq siunertaralugu aalajangiussinissamik siunnersuut.

Inatsisartut aalajangereernerisa kingorna Qaqortumi mittarfeqalernissaq qulakkeerneqareermat suliassaq kommunetsinnut pingaaruteqarluinnartoq tulleg tassaasariaqarpoq kommunetsinni avammut mittarfissuup atorunnaarsinneqanginnissaa anguniarlugu sulinissaq.

Qaqortumi mittarfik pileraluarpalluunniit kommunetsinni avammut mittarfiup piginnarnissaa pingaaruteqarluinnarpoq siunissami aatsitassarsiortoqaleratassagaluarpas mittarfissuaqarneq annertuumik iluaqutaasussaammat.

Minnerunngitsumik avataaniit imaasiillaannaq tikinneqarsinnaajunnaarnerup takuteratassagaluarpagu takornarissat ikiliartulersut tikinniarneqarnitta ajornarnerulerneranik peqquteqartumik taava avammut mittarfissuup matuneqarsimanginnissaa pingaaruteqarluinnarpoq ullutsinni Uniscomut ilanngunnikuunerput iluaqutigissagutsigu.

Iisimavarput mittarfissuaq nunatsinni mittarfippassuit assigalugit trafikstyrelsemiit immikkut akuerisaalluni maanna ammasoq, matunekaraluarunilu qaquguluunniit ammaqpinneqarsinnaangisaannassasoq. Tamanna peqquteqarpoq trafikstyrelsemiit immikkut akuerisaallutik mittarfiit maanna ikilisar-neqarmata akuerseqinniissaat ilimanangilluinnarmat.

Maanna kommunalbestyrelsemi aalajangiiffissatut siunnersuutigaara Qaqortumi nunap immikkortuani mittarfeqarnerup saniatigut nunatta kujataani avammut mittarfissuup pigiinnarnissaata nunatsinnut tamarmut pingaaruteqarluinnarnera paasititsiniaassutigalugu kommunetsinniit nuna tamakkerlugu aalajangiisartunut saaffiginnissutigineqassasoq.

Naja Lund
Inuit Ataqatigiit

Kommunalbestyrelsimi oqaluuserineqarnissaa sioqqullugu siunnersuut matumuuna Aningaasaqarnermut Ataatsimiititaliamut saqqummiunneqarpoq.

Inatsisitigut tunngavigisaaq: Kommunip piginnaatsitsinera

Aningaasartai: soqanngilaq.

Aqutsisoqarfiup innersuussusutaa: Politikkikkut ataqatigiissarisut allaffissornikkullu suleqatigiissitat pilersinneqarsimasut oqaluuserineqartoq suliarimmassuk taakkunaniit politikkikkut innersuussutit utaqqimaarnissaat innersuussutigineqarpoq.

APA-p aalajangiinera: Amerlanerussuteqartut aalajangerpaat "Narsarsuup siunissaa" pillugu Politikkikkut ataqatigiissarisut allaffissornikkullu suleqatigiissitat innersuusutaata utaqqimaarneqarnissaa innersuussutigalugu kommunalbestyrelsimut ingerlateqqiniineqassasoq. Naja Lundip kissaatigaa oqaaseqatigiit uku imaqarniliamut ilanngunneqassasut: ”Narsarsuarmi mittarfissuup nunatta kujataata avammut attaviata pigiinnarnissaa siunertaralugu kom.best suliniuteqassasoq siunnersuutigaara naak pisoqartaqatigiit inassuteqaatigigaluarat Narsarsuaq pillugu styregruppep suliaminik saqqummiussinissaa utaqqineqassasoq taamaattoq siunnersuutiga ingerlatiinnarpara, styregruppep utaqqisaa arbejdsgruppe oqarasuaatikkut marloriaannarluni ataatsimi-inikuusoq arbejdsgruppemi peqataasup oqaatigimmagu. Nunatta kujataani aatitassarsiortoqaleratarsinnaanera kiisalu Unescoqarfinngornikuunerput eqqarsaatigalugu mittarfik 1.500 meter avammut mittarfittut atussallugu amigartoq isumaqarama, kialuunniit mittarfiit pillugit ilisimasaqartup nalunngimmagu mittarfik 1.500m naamangittoq imarpik qulaallugu timmisartuusiviugissallugu timmisartut ki-vissinnaasaat killeqartussaammata. Narsarsuarlu immikkut akuersissuteqarluni maanna ingerlareermat matunekaruni qaquguluunniit mittarfissuup atorfissaqartinneqalissagaluaruni ammaqpinngisaannarnissaa ernumanarmat.”

Aalajangerneq: Amerlanerussuteqartut tassaasut S aamma A (10) aningaasaqarnermut ataatsimiititaliap inassuteqaataa akueraat, ikinnerussuteqartulli 5-it (IA) akerliupput Naja Lundillu siunnersuutaa taparserlugu.

**IMM. 13 NARSARSUARMI INNUTTAASUT UKIUMOORTUMIK ANINGAASANIK
TIGORIAANNAGASSAANNIK ILLUARTITSINISSAMIK KOMMUNALBESTYRELSIMI
ILAASORTAP NAJA LUNDIP SIUNNERSUUTAA**

Kommunalbestyrelsimi ilaasortap Naja Lundip siunneruutigaa Qaqortumi mittarfissap piareernissaata tungaanut kommunip ukiumoortumik missingersuutaani aningaasanik immikkoortitsisoqartassasoq, taakkulu pisariaqartitsineq najoqqutaralugu Narsarsuarmi innuttaasunit atorneqarsinnaassallutik.

Inatsisitigut tunngavik: Kommunip piginnaatitsinera

Aningaasartai:

Pisortaanerit inassuteqaataat: Namminersorlutik Oqartussaniit kommunimiillu politikkikkut Aqutsisoqatigiit pilersinneqarsimasut inerniliinerat utaqqimaarneqassasoq innersuusutigineqarpoq

APA-p aalajangiinera 02/2019: Namminersorlutik Oqartussat kommunillu pilersitaata Politikikkut Aqutsisoqatigiit inerniliinerata utaqqimaarnerneqarnissaa innersuussutigalugu kommunalbestyrelsimut ingerlateqqinneqassasoq

Aalajangerneq: Amerlanerussuteqartut tassaasut S aamma A (10) aningaasaqarnermut ataatsimiititaliap kommunalbestyrelsip akueraat, ikinnerussuteqartulli 5-it (IA) akerliupput akerliullutik taasilluti.

IMM. 14. INUUSUTTUT SIUNNERSUISOQATIGIIVINIT INNERNSUUSSUTIT

Decembarip qaammataani 2018 inuusuttut siunnersuisoqatigiivi siullermeerutaasumik ataatsimiipput, aalajangneqarporlu oqaluuserisassani 44-ni immikkoortut pingasut kommunalbestyrelsimut ingerlateqqinniarlugit.

* Sapaatip akunnerisa naaneranni qammatillu naanerini akissarsiffinni meeqqanut unnuisarfeqartitsinissaq.

* Pinnguartarfiit nutaat meeqqanut inuusuttunullu tulluarsakkat

* Klubbinut taarsiullugit illoqarfinni inuusuttut nuannarisaannik allaanersusunik sammisasaqartitsiveqarnissaq.

Immikkoortut taakku pingasut sulissutigineqarnissaat siunertaralugu ataatsimiititalianut ingerlateqqinneqarput, taamaammat kingusinnerusukkat Aningaasaqarnermut Ataatsimiititaliamut kommunalbestyrelsimullu saqqummiunneqarumaarput.

Inatsisitigut tunngavigisaq: Kommunip piginnaatsitsinera

Aningaasartai: Suli erseqqissarneqangilaq aamma ataatsimiititaliat susassaqarfiusut innersuussutaat utaqqimaarneqarpoq.

Aqutsisoqarfiup innersuussutaa: Immikkoortup paasisutissiinertut tiguneqarnissaa innersuussutigineqarpoq.

Aalajangerneq: Kommunal bestyrelsemi ilaasortat Inuusuttut suliniaqatigiiffiata innersuusutai ilungersunartumik tiguaat ataatsimiisitalianullu susassaqtunut ingerlateqqillugit, ataatsimiisitaliat piumaffigineqarput suliani akimorlutik suleqatigiisasut.

IMM. 15. PLASTIKKIT ATUGAANERISA ANNIKILLISARNEQARNISSAANNIK KOMMUNALBESTYRELSIMUT ILAASORTAP BENJAMIN KIELSENIP SIUNNERSUUTAA

2017-imiit 2021.mut qinigaffik aallaavigalugu "Kommune qorsuusooq" anguniagassatut ilanngunneqarmat kommunalbestyrelsimi ilaasortaq Benjamin Kielsen kommunimi ingerlatsivinni plastikkimik atuinerup minnerpaaffianiitinneqarnissaanik aalajangiisoqassasoq siunnersuuteqarpoq. Siunnersuut imaappoq:

"Qinigaaffik 2017-21 mi anguniagassatut ilanngunniukuurput "Kommune qorsuusooq" tassunga atatsillugu kommunemi ingerlatatsinni plastikkimik atuinerput minnerpaaffianiitinnissaa aaliangiivigisariaqalerparput.

Assersuutigalugu assersuutigalugu eqqaaviit puusiaat qernertut sananeqaatinik allanik taarsertariaqarpavut.

Alloriarneq tullertut siunnersuutiginiarpara ingerlatsiviit tamarmik periusissioqquneqassasut plastikkimik atuinerup isiginnittaaseq allanngortinniarlugu.

Periarfissallu aappaatut siunnersuutigerusullugu. Kommune Kujalleq 200.000kr-nik ataasiartumik aningaasaliisasoq plastikkimik atuinikillinissamut siunnersortimik atuisasoq.

Oqallilluarnissarsi isummorsorluarnissarsilu qilanaaralugu."

Inatsisitigut tunngavigisaq: Kommunip piginnaatsitsinera

Aningaasartai: siunnersortimik atorfinitsitsisoqarnissaannik kommunalbestyrelsip aalajangeratarinnaanera apeqqutaavoq.

Pisortaanerit inassuteqaataat: Kommunip ingerlatsiviini ingerlatsiveqarfiinilu sapinngisamik plastikkimik atuinerup minnerpaaffiatitsinneqarnissaa pillugu tunngaviusumik aalajangiisoqarnissaa innersuussutigineqarpoq, taamaammallu uumassuseqartutigut pinnguutilinnut nungusarneqarsinnaasunut ikaarsaartoqarnissaa pillugu pisiortorfinnik oqaloqatiginninnerit aallartisarneqarneqassasut, ukiullu tulliuttup iluani kommunimi teknikkeqarfik aqutigalugu suliniuteqarfissat allat aalajangersaavigineqassasut.

Aalajangerneq: Kommunal bestyrelsemit akuerineqarpoq ataatsimiisitalianullu ingerlateqqinneqarluni misissugassanngorlugu aningaasanik malitseqassappat 2020-mut missingersuusiulernermut ilanngunneqassallutik.

IMM.16 INUUSSUTISSARSIUTINIK INERIARTORTITSIVIMMIK PILERSITSINEQ

Imaqarniliaq
Kommunalbestyrelse – ileqquusumik ataatsimiinneq 2/2019

Inuussutissarsiutinik Siunnersuisoqatigiit Kommune Kujallermi decembarip 14-ianni, 2018 pilersinneqarpoq. Kommunalbestyrelsit Siunnersuisoqatigiit suliaanut 500.000 koruuninik aningaassaliissuteqarput aamma Inuussutissarsiutinik Siunnersuisoqatigiit siunnersortitut atorfianut 500.000 koruuninik aningaasaliivoq.

Inuussutissarsiutinik Siunnersuisoqatigiit takorluukkat pilersaarutillu pillugit ataatsimiinermi Januaarip 13-ianni 2019 Siunnersuisoqatigiit aaliangiippat Kommune Kujalleq Inuussutissarsiutinik Ineriartortitsivimmik pilersitsinissaanut inassuteqarfiginiarlugu. Kommune Kujalliup naqqani inuussutissarsiutinik ineriartortitsinermut tunngasut ingerlatsivimmut ataatsimut inissinneqassasut anertuumik ingerlatsinermi pitsaaqutit aamma ataatsimoortitsinerup sunniutai anguniarlugit. Ingerlatsiviup naqqani inuussutissarsiutinik ineriartortitsinermut tunngasunik nalunngisaqarluni sulisoqarnissaq anguniarlugu.

Qulaani aporfiiit eqqaaneqartut aallaavigalugit siunnersuutigineqarpoq Inuussutissarsiutinik Ineriartortitsivimmik pilersitsisoqassasoo kommunalbestyrelsit KAPS-imut aningaasaliissutai (2,0 mio. koruunit.), Sumiiffik aamma avammut nittarsaassinikkut ingerlatsivinnut (1,3 mio. koruunit.) aamma Inuussutissarsiutinik Siunnersuisoqatigiit (1,0 mio. koruunit.), tamakkiisumik 4,3 mio koruunit aallaavigalugit.

Tamatuma kingorna naalackersuisut kiisalu SPS oqaloqatigineqarsinnaapput nunalerinermut siunnersuinerup ingerlatseqatigiiffimmu ilanngunneqarsinnaanera pillugu, aamma UNESCO-p immikkoortortaata ingerlatseqatigiiffimmu siunissami ilanngunneqarsinnaanera misissorneqassaaq.

Inuussutissarsiutinik ineriartortitsivik Greenland Business aamma Greenland Venture qanimut suleqatiginissaanut periarfissaliivoq.

Kommuneqarfik Sermersooq, Qeqqata Kommunia aamma Avannaata Kommunia Inuussutissarsiutinik ineriartortitsivimmik pilersitseriingikkunik pilersitsinialerput. Tamanna Kommune Kujallermit pilersinneqarnissaanik siunnersuutigineqarpoq.

Siunnersuutigineqarpoq pilersitsinermut takussutissat inatsisilerituut suleqatigalugit suliarineqassasut, DSG, KAPS aamma Inuussutissarsiutinut Siunnersuisoqatigiit kiffartuunneqarnissamik isumaqatigiissummut piorersut tunngavigalugit.

Januarip 21-anni 2019 ataatsimiinermi, Inuussutissarsiornermut Ataatsimiititaliaq Inuussutissarsiutinik Ineriartortitsivimmik pilersitsinissamut siunnersuut isumaqatigaat.

Inatsisitigut tunngavigisaq: Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut Inatsisaat nr. 23, 18. december 2003-meersoq.

Aningaasaqarneq: Nassuiaatigineqarsimasutut.

Inassuteqaat: Inuussutissarsiornermut Ataatsimiititaliaq siunnersuummik akuersissuteqarnerat aallaavigalugu inassuteqaatigineqarpoq aningaasaqarnermut ataatsimiititaliaq Inuussutissarsiutinik Ineriartortitsivimmik pilersitsinissaq akuerissagaat, taamaasilluni isummernissamut tunngavissiaq kommunalbestyrelsinut saqqummiunneqarniassamat. Inuussutissarsiutinik Ineriartortitsivimmik pilersitsinermi akuersissutit piginnaatitaanerlu pisariaqartut pigineqalerniassammata. Taamaasilluni

anigaasaqarnermut ataatsimiititaliap pilersitsinermit takussutissiat kommunalbestyrelsi sinnerlugu akuerinissaanut pisinnaatitaassaaq.

Aningaasaqarnermut Pilersaarusiortarnermullu ataatsimiititaliap aalajangerera 04/2019:
akuerineqarnissaanik kaammattuutitalerlugu kommunalbestyrelsimut ingerlateqqinneqassasoq.

Aalajangerneq: Akuerineqarpoq, anigaasaqarnermullu ataatsimiititaliaq piginnaatinneqarluni pilersitsinermit uppersaatit saqqummiunneqarsimaleriarpata suliaq naammasseqqullugu.

NUTAAQ IMM. 17. TAANEQARSINNAASUT ALLAT

- KPI: Kommunalbestyrelse ippassaammagu aatsitassarsiorneq pillugu immikkut sammisaqarmat akuutissat atorlugit akuiaanerup piumasaqaataanera eqqartorneqarpoq. Kommunalbestyrelsimut ilaasortat amerlanerussuteqartut, tassa S aamma A, tamatumunnga atatilugu naalakkersuisunut kaammattuuteqarput akuutissat atorlugit akuiaaneq piumasaqaataajunnaaqqullugu.
- HB: Bentiaraq Ottosen pujortaqqusiunnaarnerup oqaluusereqqinneqarnissaanik siusinnerusukkat piumasaqaateqarpoq. HB ataasiaranissaaq oqaluusereqqinneqarnissaanik misiliisaralarpoq iluatsissanaguli. KPI pissutaasumik nassuiaavoq, aamma inatsisitigut tunngavigineqartut pillugit. Inatsisilerituujunerup nassuiaataa kommunalbestyrelsimut agguanneqassaaq.
- AH: B-560 inersimasumut ikaarsaarfik, isumaginninnermi ataatsimiititaliap siulittaasua ilisimatitsivoq illu allamut atorneqalersimasoq. KPI: Meeqqanut angerlarsimaffiup avataanut inissitanut anigaasartuutit ikilisarniarlugit illu pisiarineqarpoq, annermik inersimasumut ikaarsaartunut najugaqarfissatut. Illu qaammaterpaalunni inoqarsimangimmat illu allamut atorniarneqalerpoq.
- HB: Aalajangiiffissat killiffii? KPI: Tamanna malitseqartinneqassaaq ataatsimiititaliat suliat killiffiinik annerusumik ilisimatitsissuteqarsinnaanngorlugit.

Ataatsimiinneq naammassivoq: 13:55

Kiista P. Isaksen	Mari S. Abelsen	Karla Egede Bisgaard
Monica Dorph	Simon Simonsen	Benjamin Kielsen
Anders Olsen	Josef Petersen	Manasse Semsen
Gerhardt Petersen	Mouritz Karlsen	Naja Lund
Asmus Hansen	Henrik Brummerstedt	Didda Isaksen